



梁末賡華學製斯土稽循  
稽曲惟志乘是求率殘闕  
弗備名曹吏來前摘問故  
例動皆語塞辭以卷宗塵  
積歲久漫漶夫圖籍不存  
何以聽治亟思徵求文獻

重為葺理不得今承之三年矣風土人物漸於閱歷  
得其七八擬興是役會  
詔修城池日作版築是務  
顧恐日漸因循此舉遂廢  
迺從省試之暇進紳士謀

之分任採訪毋徇毋遺藍  
本舊志參以畿輔趙州各  
志復走吏百餘里外從正  
郡購取舊卷亦多散佚無  
稽不得已抱郡志歸又皆  
勝國嘉靖前事其新志則

柏鄉已改隸趙州概從芟  
不錄退則訪書吏之寡年  
老及已退事者口述數宗  
分藏珍紀餘或削皆剔辭  
錄取碑銘又或從楠頭塘  
壁搜得一二事寸百年耳

蒐索之難已至于此按柏  
志初自前令馬公寫延庭  
張公續成之今所存者刊  
於謝公廷瑞其裁定則魏  
文毅相國承先志而繼述  
之者也自文毅纂修以來

百有餘歲矣故老既止諸  
名家紀錄胥多放失其所  
存者又率一家一族之事  
所謂山川田賦官師人物  
風俗物產其因革損益之  
故亦綦費參稽矣舉其鉅

偶遺其細紀其事未睹其  
文有識者庶諒之舊志十  
志析其門類為四十有二  
各以小序記之從例也其  
碑銘序記詩賦三志有闕  
典要者因類分載於各人


各事之下至誥勅一志其  
姓氏已錄封蔭中文宜載  
家乘故從畧夫志所以紀  
實非以紀父也惟因紀事  
之文以求其實則稽山川  
而知高下疏鑿之宜考田

賦而知重農任土之制於  
官師人物得勸戒激揚之  
道於風俗物產得化導搏  
節之權非獨掌以攸繫即  
吏治不無補焉  
聖朝重熙累洽中外同文

近復開一統志館重纂頒  
示飭郡邑誌書俱送採葺  
華恪謹將事不敢蹈誕妄  
顛倒之術為董狐罪人惟  
以百年闕修之舉不可迂  
視緩圖再致因循失墜是

則從縮版築堵之餘亟  
為此者也藁既成述其大  
略為序

乾隆三十一年丙戌秋九  
月知柏鄉縣事長興鍾賡  
華談



嘗謂志者所以誌事也所以  
紀實也志其事實以標往鏡  
來為觀風聽治之本者也志  
不綦重哉況邑之需志尤切於  
郡蓋統領夫邑各邑之紀載  
即一郡之考鑒也若邑之文  
獻或任其漉淪凌夷世遠年

湮泯然不可復識不幾令懷  
古者蒼茫興感哉柏鄉古鄆  
邑也自趙分晉而屬趙後代  
改而復仍之通都往來稱雄河  
朔其間名賢輩出國士挺生  
元明以來為尤盛焉我  
朝統一海宇教無遠弗屆三

輔近地觀感倍深非復忼慨悲  
歌之習矣碩久道化成風醇俗  
美而無以脩明勸揚之事實  
標往而鏡來可乎獨是柏邑  
之志百餘年來無復脩明從  
政者豈無意為之抑無暇為  
之耶長興鍾君賡華檉莅斯

邑簿書殷繁差務絡繹而  
長才罄晒雖理衝剗而恢乎  
游刃甫三載百廢具舉更以  
脩明典志為急務遂延縉紳  
文學潤館簪筆刻期求竣  
為政若此可謂知所重矣丁亥  
夏予視學廣陽鍾君曰公來